



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 36. Protestatio Nestorii & Candidiani.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

sis S. Cyrillus, & major Episcoporum ^{Sæculum V.}
 pars, vigesima secunda Junii, in magna ^{A. C. 431.}
 Ecclesia, Sanctæ Virgini dedicata, Conci-
 lium auspiciari decreverunt. (*)

§. XXXVI.

Protestatio Nestorii, & Candidiani.

Pridie vigesimam primam Junii S. Cy- ^{Act. I. p. 453.}
 rillus, & cœteri Episcopi, Nestorio,
 missis quatuor Episcopis, Concilii diem
 indicarunt; erant hi Episcopi Hermoge-
 nes Rhinocoruranus ex Ægypto, Atha-
 nadius ex *Paralia*, id est, ora maritima,
 Petrus Castrensis, nempe Episcopus Sa-
 racenorum, & Paulus Episcopus Lampen-
 sis. Hi igitur Nestorium adierunt, mo-
 nentes, ut sequenti die ad Concilium
 veniret. Respondit, se deliberaturum,
 & si ita expediret, venturum. Idem sex,
 septemve Episcopis, qui cum ipso erant,
 indicarunt, qui eandem dederunt respon-
 sionem. Petiit Nestorius a Memnone
 Episcopo Ephesino, ut juberet, sibi aperiri

G 3

S. Joan-

(*) Anonymus I. ad §. XXXIV. in sua Ob-
 servatione dicit, ex Fleurii relatione non satis
 apparere, an culpa in Joannem Antiochenum,
 vel S. Cyrillum sit rejicienda, & summatim hunc
 Scriptorem nimis Orientalibus favere. Certe
 omnibus, quæ hic narrat Fleurius, bene pensa-
 tis, nullum hujus favoris deprehenditur vesti-
 gium.

Sæculum V. S. Joannis Ecclesiam, conventum separatum ibi acturus. Id vero Memnon recusavit, populusque Ephesinus, Doctrinæ Catholicæ Defensor zelosissimus, fortiter restitit. Eadem die 21. Junii Episcopi, Nestorii Sectatores, Protestationem scripserunt, ad S. Cyrillum, & Juvenalem Jerosolymitanum, directam, qua notum faciunt; necessario Joannis Antiocheni adventum expectandum, eosque, qui a suis Episcopis depositi, & excommunicati fuissent, non recipiendos. Huic Protestationi sexaginta octo Episcopi ex Syria, Asia, & Thracia manum & signum apposuerunt. Præcipui erant Tranquillinus Antiochenus Pisidiæ, Alexander Apamiensis, Helladius Tarsensis, Fritilas Heracleensis, Himerius Nicomediensis, Alexander Hierapolitanus, Eutherius Thianeus, & Theodoretus Cyrensis. Nestorii Nomen non legitur. Id quoque ore quorundam ex suis Episcopis edixerunt, conventuros se, si a Comite Candidiano convocarentur.

Candidianus quoque nullum non movit lapidem, ut Patrum congressum sufflaminaret, donec Joannes Antiochenus adveniret. Dum comperit, S. Cyrillum, & cæteros Episcopos mane in Ecclesia Sanctæ Virginis congregatos, illuc citissime se contulit, & Patribus edixit, mandatum esse Imperatoris, ut nulla pars separa-

Synod. c.7.

*Relat. Nest.
Act. 1. p. 566.
B. contest.
Candid.
Synod. c. 9.*

paratim conventus ageret, sed omnia ^{Sæculum V.}
 communi consensu fierent. Petierunt ^{A. C. 431.}

Episcopi, ut sibi Epistola Imperatoris exhiberetur; renuit ipse, dicens, non omnes, quos oporteret, in Concilio esse præsentibus. Responderunt, nescire se, qualia essent Imperatoris mandata; tandemque instare non cessantibus Epistolam exhibuit, quam hæcenus secretam habuerat. Quamvis hæc Epistola ad Concilium dirigeretur, tamen vix quidquam aliud, quam Candidiani mandata continebat; sequentia Episcopis insinuabantur: *Candidianus jubetur vestro sancto Concilio interesse; at quæstionibus dogmaticis se non immisceat, id enim nemini, nisi ex ordine Episcoporum sit, licet. (*)* At homines Sæculares, & Monachos ab urbe Epbesina diligenter arceat, ne homines isti, non necessarii, tumultum excitent, & inter deliberationes Sanctitatis Vestræ quietem perturbent. Curam quoque gerat, ne disputando animi dividantur, aut quidquam acerbius proferatur. Præprimis eidem præcepimus, ut omnino prohibeat, ne quisquam ex vobis discedat, sive domum, sive ad Regiam nostram, aut quocunque alio iturus; prohibeat etiam,

G 4 ne

I. p. Cone. 6.
35.

(*) Quid efficacius contra Protestantes afferri possit, in causis spiritualibus nimium Principibus Sæcularibus tribuentes?

Sæculum V.
A. C. 431.

ne quæcunque alia quæstio proponatur, antequam ea, de qua nunc agitur, fuerit definita. Præcipimus quoque, ne in vestro Concilio, aut coram tribunali publico Civitatis Ephesinæ, qualiscunque actio Civilis, aut Criminalis contra quemcunque moveatur, sed hæc omnia ad urbem hanc Constantinopolitanam deferantur. Coeterum scitote, Magnificum Irenæum solius amicitia jure piissimum Nestorium fuisse comitatum, nec in quæstionibus Concilii, aut Gloriosissimi Candidiani mandatis ullam partem habere.

22. Jun.

Audita hujus Epistolæ lectione, Episcopis in proposito persistentibus, necdum Candidianus acquievit, & tandem rogavit, ut saltem per dies quatuor rem differrent; cum sæpius instaret, & obtineret nihil, sperni se ratus, superante iracundia discessit, & illico Protestationem scripsit contra omnia, quæ essent facturi; eam Ephesi eadem die, decimo Kalendas Julii, in publicum edidit, unumque exemplum ad Imperatorem submitit.

§. XXXVII.

Concilii Exordium.

Epist. Cyr.
P. 574.

Cum Candidianus recessisset, eadem die Episcopi Concilium exorsi sunt, secundum Ægyptios 28. Pauni, secundum Romanos decimo Kalendas Julii, post decimum tertium Theodosii, & tertium